

BIOGRAFIJA

Adnan Hadžimuratović rođen je 23. septembra 1961.godine u Sarajevu gdje završava osnovnu i srednju školu. Nakon završene Gimnazije upisuje Medicinski fakultet u Sarajevu na kojem diplomira u januaru 1987. godine sa prosječnom ocjenom 8,03. U toku studija odlazi na studentske prakse u Atinu i Moskvu na tamošnje medicinske fakultete. U jednom mandatu od godinu dana obavlja dužnost predsjednika Komisije za međunarodnu razmjenu studenata medicine i stomatologije. Po završetku studija zapošljava se kao asistent na Medicinskom fakultetu na Institutu za fiziologiju i biohemiju u Sarajevu. Nakon toga obavlja redovni ljekarski staž u trajanju od 12 mjeseci u Vojnoj bolnici u Sarajevu. Stručni ispit polaže u junu 1988. godine i zapošljava se u Zavodu za zdravstvenu zaštitu radnika u saobraćaju gdje ostaje do aprila 1992. godine. Izbijanjem agresije na našu Zemlju aktivno se uključuje u formiranje sanitetske službe Teritorijalne odbrane Hrasno a nakon toga obavlja funkciju načelnika saniteta Obavještajne uprave generalštaba Armije BiH. U augustu 1992. godine zapošljava se u Kliničkom centru univerziteta u Sarajevu na Klinici za dječiju hirurgiju. Specijalistički ispit iz dječije hirurgije polaže u decembru 1997. godine. U toku specijalističkog staža boravi na Klinici za dječiju hirurgiju u Rimu i Gracu. Nakon položenog specijalističkog ispita upisuje i završava postdiplomski studij na Medicinskom fakultetu u Sarajevu, te magistrira u junu 2004. godine. Od januara 1998. godine obavlja funkciju Šefa odjeljenja na Klinici za dječiju hirurgiju, a od januara 2008. godine do jula 2016.godine obnaša funkciju Šefa klinike.

Aktivno učestvuje na kongresima i simpozijima dječijih hirurga u Zemlji i inostranstvu kao autor i koautor naučnih i stručnih radova.

Boravio na edukaciji u Izmiru i Mansouri. 2005.god. izabran za Višeg asistenta na katedri za Hirurgiju, potom je 2009.godine reizabran na istu funkciju. Doktorsku disertaciju brani u junu 2012. godine na Medicinskom fakultetu Univerziteta u Sarajevu. 2013.godine je izabran u zvanje docenta.

U dva mandata obavlja funkciju predsjednika Udruženja dječijih hirurga BiH.

Uz rad na Klinici i medicinskom fakultetu aktivno se uključuje u rad nekoliko sportskih organizacija kao sportski ljekar te učestvuje na mnogim međunarodnim takmičenjima. Od januara 2008. godine obnaša funkciju predsjednika Sportskog saveza Kantona Sarajevo.